

爸爸

黃雅君

爸爸（王刑政/阿政）：嚴肅、細心、痛愛女兒、父兼母職湊大悠悠

女（悠悠）：渴望母愛、任性、自尊心強

阿姨：善解人意、為人 open

媽（阿芳/陳太）：拋夫棄女、重視物質生活

第一幕

舊式屋村茶餐廳內，人客稀少，爸在工作（抹桌），幾位甲乙丙屋村師奶正吱吱喳喳地在高聲討論。

甲：哎呀~今日丁又唔來啊??（看向門口方向）佢成日都不來！搞到我地三缺一！d 麻雀癮出曬來！

乙：：不！我今日約實左佢！講明今次點都要佢出現！！唔係就唔好怪我地要換麻雀腳！

丙：喂~咁佢到底係咩事姐？點解成日都 ng 來！呀~（湊近）~唔通上次話佢老公包二奶果單野係真 ge??（丙）

甲：哦~~~原來係甘！甘就難怪佢……

乙：（反了個白眼）緊係唔係啦，佢地而家都 ng 知幾恩愛啊！

丙追問：下……咁到底係咩事啊？神神秘秘咁！

乙：米係佢個寶貝女囉，佢果間學校……咩……聖……” 七” ……中學 ar?

甲：係聖心中學 ar！我女都係讀聖心 la！

(聽到聖心中學爸忽然留心起來，側耳細聽)

乙：唔！就係聖心啊！話要舉行咩母親節烹飪大賽，唉~~~甘唔係難為丁嗎？你睇丁果個樣啊！佢點會識烹飪啊！我們就一早都領教過 gala！她煮 d 野簡直、簡直……係……唉！我都講唔出口 la……

丙：諗起上次的經驗都真係嚇死人喇，黑漆漆一碟的就話係抄椰菜！？哎呀！試問邊個敢領教呀！連甘基本 ge 菜都可以抄到甘！真係無眼睇！

丙問甲：係 wo！你個女兒同丁個女同校，甘你 ng 使準備？

甲：哈！區區烹飪比賽之 ma！使乜準備！你估我係丁咩！

(一講曹操，曹操就到。丁應聲而入。)

丁：對唔住啦！因為頭先幫個女買野所以遲左少少。你地講到邊？

乙：無~~講到你真係廿四孝媽咪姐！

丁：ha~ (沾沾自喜)~~都唔係 ge，係因為個女初中 la，你知 la 青春期啊，特別多問題！

丙：下……會有咩問題？唔通係開始反叛！？我個女都小四 la！講來聽下等我有 d 準備好 wo！

(這時有 2 位客人到，坐在四位師奶前面的卡位。伙計甲上前招呼，爸走近。)

爸向伙計甲：我來！

(伙計甲讓位、慢步走開，感到奇怪，自言自語：佢唔係最憎招呼客人 ga 咩？做咩今日甘主動？)

爸向客人：食咩？

客人答：唔……2 個茶餐、1 個要河粉……1 個要……

(爸乘機湊近師奶細聽已忽略了客人)

丁：好啊！嗱~青春期呢女仔就係會發育，甘就多問題啦，又要準備 bra 啊衛生巾果野，最慘就係要教佢用，都唔知點開口啊！又唔知學校有無教 wo！而家唔教定先又怕佢唔識，會係學校出醜！！

丙：之前我個女同我講話果日係學校見到有人條裙染曬血，仲好驚甘問我點解！佢以為係果個同學曳比老師打屁股！當時我都 ng 知點同佢解釋啊！

乙：甲你應該有經驗啦！你大女都 20 啦！分享下啦！

甲：有咩好尷尬呀！米直話直說囉！怕甚麼！反正大家都係女的，如果話要個大男人去同個女講呢 d，咁就先至算係尷尬啦！

丙：係囉！！如果我叫我老公去講，佢一定唔制！

丁：啊！差 d 唔記得！我仲要去買 bra 比個女！不如走咯！

甲：好！！快 d 買完去打麻雀！！（四人起身結帳離去）

客人：係甘多啦。（見爸無反應，催促）喂~甘多啦唔該！

爸回神：唔！2 個茶餐！（寫下，走遠）

（自言自語：e……我個女都係初中，我想我都應該買比個女，跟住先！

爸：我有事要出去一陣！

（跟著師奶去，見師奶們剛從一間女性內衣店中走出來，這時丁手已中持有一購物袋，阿政站在店前顧盼，猶豫是否內進。）

阿政：點呢？入唔入去好？入去會唔會比人當變態佬？街上面 d 行人都好似望住我甘 ge？

店員：先生，有冇無野可以幫到你呢？不如入來睇下啦。

阿政：……好啊（隨店員入內）

店員：（見阿政環顧四周，神情苦惱）先生，係米想買件內衣送比人？不如我介

紹幾隻新款比你啦！係米送比太太 ge 呢？而家好少人甘錫老婆架啦，佢收到一定會好開心！

阿政：唔…我…（尷尬）

店員：你鐘意邊隻款，我一於比個折頭你！（見阿政對 bra 發呆）

（店員自言自語：佢可能鐘意 dsexydge，又唔好意思開口。）

店員：如果你唔鐘意呢 d，不如睇下呢幾款呀！（向阿政展示幾款紅色透視 bra，並逐一介紹）

阿政：啊…其實…我想要果個（指向櫥窗上的粉藍色胸圍）

店員：好，甘請問要咩 size？

阿政：size……（沉思一會，然後用手在自己胸前比了比）

店員：……哦，好，我幫你擺新！（入內閣取 bra，心想：甘細 ge！）

（這時阿政一人站在店中，心感不自然，見街上有人經過，即轉身背向街道，手不自覺地抓住褲袋）

阿政：點解甘耐架？（不時看去內閣，又看看街道）

（等到店員出來，阿政也不檢查胸圍便匆匆付款離去）

第二幕

粉藍色系的家中，阿政手持剛買來的 bra，在廳中踱步。）

阿政：點算好呢？我應該點比悠悠呢？啊！放係佢衣櫃到米得囉！（放入）唔係 wo……如果佢問我…甘我應該點答呢？…………唉~~~好煩惱啊！！（又取出）

（這時門外傳來嬉笑聲及開門聲，阿政大驚，立刻將 bra 藏在沙發後）

悠悠：阿姨點解你今日會來？（話中有明顯的興奮）

阿姨：當然係因為掛住你呢個小可愛啦！（用手輕擰悠悠的小鼻）我仲買左悠悠最鐘意食 ge 朱古力味雪糕 tim！

悠悠：（兩眼發亮）真的？哇！好開心啊有雪糕食！（在廳中興奮跳躍，高呼萬歲：阿姨萬歲、阿姨萬歲……忽然看見阿政坐在沙發上，樣子嚴肅，悠悠即收斂）

阿政：她還有點咳，不可吃雪糕！

（悠悠聽了變成洩了氣的皮球）

阿姨：其實食少少都無緊要 ge，有醫學報告話食少少朱古力對咳反而有幫助 ga！（向悠悠打了個眼色）係米啊悠悠？

悠悠：係啊係啊！！老師都好似有講過。

阿政：（眼光掃過二人）開飯先！

（阿政走入廚房，悠悠與阿姨相視而笑）

悠悠：yeah！（快樂地跳入房更衣，阿姨逐入廚房幫手，嗅到一陣香氣）

阿姨：好香啊！阿政你 d 廚藝又進步左！睇怕無幾耐之後，我都要同你學野啊！不枉我當年將畢身絕技傳授比你，你而家真係青出於藍！

阿政：幫手拿出去（指向一碟小菜，然後徑自走出廚房）

阿姨：（隨阿政走出廚房）佢真係一 d 都無變，仲係甘古板，等我整估下佢先！

阿姨：唉~~~~你成日都擺出個黑面神 ge 樣，真係唔知悠悠點忍受到你！（偷笑）

阿政：（身子一僵）黑……面神？

阿姨：係！你成日”唧”都唔笑、黑起塊臉，咁樣唔係黑面神係咩？應該咁樣笑下啦！（e 起牙，展示笑容）

阿政：（皺眉，但也試着學）e..

阿姨：唉~~都係算啦，笑起來比哭更難看！

（阿政收起笑臉，又板起了臉）

悠悠：我換好衫啦，食得飯未？

阿姨：食得啦，你快 d 過來坐低！你阿爸煮左你最鐘意食 ge 魚。

悠悠：好野有魚食！（悠悠正想起筷，卻被阿政喝止）

阿政：不許！先去洗手！

悠悠細聲抱怨：可噁，又管住曬！（走入廁所）

這時阿政將魚肉放入一小碗中，並反覆檢查確定沒有魚骨，然後放到悠悠面前。

阿政：吃這個！我去”畢”湯。（走入廚房）

悠悠：（嘟着嘴）真霸道，連吃魚也要管！

阿姨：（搖搖頭微笑）佢呢個人啊！就係唔識表達自己，佢幾錫你你都唔知！

悠悠：佢一日到黑管住曬，呢樣唔比、果樣又唔得！簡直就係一個暴君！

阿姨：你仲細所以唔明姐！好多野你大個左就自然會明。來！快 d 食啦，魚凍左就唔好食架啦，唔好浪費你阿爸 d 心機！

（阿政站在廚房門口良久，這時才把湯捧出來。）

阿政：今日學校有咩事發生啊？

悠悠：（納悶）無咩特別事……啊！阿姨你知道嗎？康志文啊！成日蝦我地果個肥仔呢！佢終於有報應啦！

阿政：乜你成日比同學蝦嫁咩？（打斷）

悠悠：um……有時啦……其實係佢特別衰姐！（看向阿姨）佢今日唔知點解同個同學打起上來，點知比 miss 見到，你估後來點啊？miss 問佢地點解打架，甲同學就話係康志文打人先，康志文否認，結果 miss 米問我地到底係邊個動手先 ge，有個成日比康志文蝦 ge 同學就話係康志文打人先 ge，其他同學都唔出聲，其實佢地係由出面打到入來的，根本無人知道係邊個出手先 ge！但康志文甘衰！我地先至唔會幫佢啊！結果佢比 miss 訓留堂，真係大快人心！

阿政：收聲！我平時係點教你嫁？點解要學人講大話？

悠悠：（突然被嚇倒了，眼睛泛紅）我邊有講大話！我都無出過聲！

阿政：（大怒）你仲唔知錯！明知到事實都唔講出來，同講大話有咩分別！？

阿姨：哎呀！做乜咁勞氣？好小事姐，細路仔係咁架啦！你甘大聲會嚇親悠悠架！

悠悠：我根本無錯！你一 d 都唔講道理！我憎死你！（眼淚已忍不住，衝了入房）

阿政：你………！（氣紅了臉）

阿姨：好啦，當比個面我啦！唔好再鬧啦！

阿政：我無眼睇啊！

（阿姨追入房安慰女兒）

阿姨：”敲敲”悠悠~~阿姨啊，比我入來睇下你好無？.（只聽見抽泣聲）噲，阿姨而家入來啦！（輕輕推門而入，只悠悠趴在床上哭泣，走近，輕撫她的背）悠悠乖，唔好喊啦，阿姨幫你教訓左爸爸架啦！一日都係佢唔好，居然整喊悠悠~~

悠悠：佢正衰人！次…….次……（抽泣）都咁野蠻！我憎死佢啊！

阿姨：唔好咁啦，今次係佢唔岩，但佢始終係你爸爸，你唔可以憎佢架！其實佢鬧你都係關心你 ge 表現黎姐。

悠悠：我一 d 都唔覺得佢關心我！就係因為甘野蠻，先趕走左阿媽！搞到我比同學笑！如果有得揀，我寧願同阿媽一齊住啊！

阿姨：哎呀！你千其唔好係佢面前咁講啊！佢會好傷心架！大人 ge 野你唔明架啦，佢地分開緊有佢地 ge 原因，唔可以怪曬你阿爸架！佢係為你好先管得你咁嚴喳！佢為左你改變左好多架啦，想當年你阿媽走左，佢一個大男人乜都唔識，要一手一腳湊大你真係唔容易！佢學煮飯、學做家务，就連好多女人唔識 ge 針”子” 佢都識！你念下呀，如果唔係為左你係為邊個呀？

悠悠：…….總之一日都係佢唔岩！

阿姨：悠悠你大個女嫁啦，唔可以再咁任性，你阿爸老啦，唔嚟激！你念下如果佢有事咁你點呀？唔好到果時先明白佢有幾錫你，你要體量下阿爸啊！乖啦！！唔好再黐佢啦下？

悠悠：…….（屈強地不肯回答）

第三幕

學校，上課鐘聲響起，悠悠跑入課室，不小心撞到人。

悠悠：對不起、對不起！（抬頭一看，發現是康志文，一驚，轉身想走）

康志文：喂！企係到！

悠悠：有…有..咩事啊？

康志文：你撞到我 wo！甘就想走？

悠悠：我…..已經同你講左對唔住啦！（欲走）

康志文：（捉住悠悠的手）咩話！？講句對唔住就想算？邊有甘易！

悠悠：呀！（一驚，甩開了康志文）

(康未料悠悠有此舉動，一個不穩，人便向後一倒，撞到門檻)

康志文：好痛！你無家教嫁！？撞到人唔止仲推我？想謀殺啊！

悠悠：我……我無心架……係你忽然捉住我，我先……

康志文：仲係到狡辯！（兩眼一轉，心生詭計）唉~~又難怪 ge，無阿媽教 ge 細路係甘架啦！真係野蠻！居然動手打人，咁無家教！難怪 d 人話有爺生無媽教啦！

悠悠：(大喝)你亂講！

康志文：仲唔認？如果有阿媽 ge，到時母親節烹飪大賽叫佢黎呀！（康得戚，悠悠不作聲，緊握拳頭）點啊？做乜唔駁嘴啦？被我講中左呢？哈哈！一針見血，真係夠爽快！無媽媽！無媽媽！王芷悠無媽媽……..

(突然”啪！”一聲，全場變得啞雀無聲)

Miss：王芷悠，你做咩啊！（大聲喝止）

康志文：哇！好痛啊！打人啊！佢打人啊！（用手按着臉，臉上有清晰可見的五指印）\

悠悠：(默不作聲)

Miss：你兩個跟我落教員室！

(三人離開班房，課室中即響起激烈的議論聲，

甲：唉~~今次王芷悠死緊啦！當場被 miss 捉到！

乙：仲有啊！聽聞康志文阿媽係校董會成員黎架！

丙：哇！咁會唔會被踢出校架？如果係就真係慘啦！

丁：係 wo，你地話王芷悠係米真係無阿媽呀啦？

戊：um……有可能 wo！都無聽佢提起過………)

（一路走，康志文向悠悠做出”睇你今次點死”的口型）

教員室中

Miss：王芷悠，頭先發生咩事？點解打人？

（悠悠一直低着頭，不肯回答）

康志文：佢癲架！頭先撞到我好痛，我鬧佢一句姐，佢就打我啦！（裝委屈）

Miss：我唔係問你！王芷悠，老師問緊你啊！點解打人？係米有咩原因啊？唔怕講出來，老師會公平處理的！

（這時阿政趕到）

阿政：老師！（看向悠悠）悠悠你打人？（難去置信的口吻）你幾時學到咁曳架？你係米想激死我呀？

（康母趕到，，一身貴婦 look，人未到聲先到）

康母：哎喲~~我 ge 乖仔，你點啊？快 d 比阿媽睇下！（抱着兒子細看）嘩！！有無搞錯啊！到底係邊個打到我心肝寶貝咁？

（康志文指向悠悠，康母看向悠悠及阿政）

康母對阿政：你點做人阿爸架？由得個女亂打人架咩？

阿政：對不起！悠悠快 d 同人道歉！（悠悠仍低頭不作聲）你再唔道歉我就打你！（舉起手）

Miss：其實件事都未查清楚，你地唔好咁緊張先。

康母：咩話？甘大個手印係臉到都話唔清楚！？你係米就包庇佢？（高音）我係校董會成員黎架！如果你唔比個合理交代我，我一定會追究比底！

Miss：咁……………

阿政：悠悠！我講最後一次！立即同人道歉！（盛怒）

（悠悠仍低頭，握緊拳頭，眼淚滴在地上，忽然抬頭大叫：我無錯！然後衝出教員室，撞開了康母）

阿政：悠悠！

康母：（胖胖的身軀差點被撞跌）哎呀！撞死我啦！呢 d 人真係有爺生無乸教！

康志文：米係！真係有爺生無乸教！

阿政：（怒瞪康母子）老師，對不起，改天再來道歉。（追出去）

第四幕

悠悠躲在公園的松林內哭泣，放學的鐘聲響起，公園開始嘈吵起來。

（小心 d 啊強仔！）

（你睇你！玩到成身汗，過來，阿媽幫你抹身。）

（阿美啊！唔好玩住，過來飲淡水先啦！）

（小明！唔好跑咁快，陣間跌親啊！）

夾雜着孩兒的嬉笑聲，悠悠清晰聽見幾位母親對孩兒溺愛的叮嚀，愈想愈覺得自己可憐，悠悠不禁又嗚咽起來。

悠悠：媽媽……媽……媽……

阿政：悠悠！悠悠！（不斷問途人）請問有無見過一個咁高度 ge 女仔啊？（用手比了比）佢着住聖心中學 ge 校服，仲”咩”住個粉藍色書包架！（說話中有着明顯的焦急）

阿姨：不如我地分頭搵啦，我去公園果邊，你就返屋企睇下先啦！

阿政：但…….

阿姨：唔好再猶豫啦！佢可能已經返左去呢！你唔好咁擔心啦！我一定會盡力搵佢 ge！

阿政：……好啦，拜託曬你！咁我返去先，你有消息要即刻通知我啊！

阿姨走到公園，正想向人打探，忽地瞄見松林中有一藍色物體在動，逐走近。

阿姨：悠悠？係米悠悠啊？真係你啊？太好啦！擔心死我地啦！

悠悠：（撲向阿姨）阿姨！（眼淚又忍不住流出來）嗚…….嗚…….

阿姨：好啦、好啦，而家無事啦！我地快 d 返屋企啦，你阿爸好擔心你啊！

悠悠：嗚……佢點會擔心我呀！……我唔想返屋企……我要媽媽…….我要媽媽…….

阿姨：（難為）咁……

悠悠：阿姨我求下你啦，我真係好想見媽媽啊……嗚嗚…….我知你一定知道媽媽係邊架…….求下你啦…….

阿姨：咁唔得架，你阿爸知道一定會好嬲架！

悠悠：我唔理！我一定要見媽媽！你唔帶我去，我自己去！（起身走）

阿姨：啊！悠悠你唔好走啦！（悠悠不理，繼續向前走）好啦！好啦！我帶你去啦！不過你一定要乖啊！唔可以話比爸爸知我帶你去見媽咪架！

車上，哭累睡着了，夢中還喚着”媽媽…….媽媽…….”，這時阿姨的電話響起。

阿政：怎樣？找到了沒？（緊張）

阿姨：…….er…….還沒…….

阿政：還沒……？甘點算……悠悠會唔會有事？一日最衰都係我！點解要要鬧佢丫！點解要要鬧佢丫！……………（聲音嗚咽似哭）

阿姨：er…（不忍心）其實……………我已經搵到佢啦……………

阿政：真係？？甘佢而家點啊？有無事啊？你地係係邊？我即刻來接你地！

阿姨：……………我地去緊阿芳到……悠悠好想見佢……………

阿政：（靜默良久）佢當年咁狠心掉低悠悠走左去，而家會肯見佢咩！？（激動）

阿姨：悠悠都咁大個女咯！係時間放開手啦！你比佢自己去面對啦！

（大聲說，引起了車上乘客的注視，悠悠被驚醒）

悠悠疑惑：阿姨點解咁激動？我要面對 d 咩？

阿政：……我唔想佢再受傷害……

阿姨：我明！但件事始終都要解決架！唔通你想悠悠誤會你一世，一世都當你係衰人啊？當年如果如果唔係佢為左錢而掉低你地，去同佢老闆一齊 ge，你地就唔使……………

阿政：唔好再提呢 d 野啦！

悠悠震驚：咩掉低我地……？……唔會架！……………媽咪唔會咁做架！！……………唔會架……唔會架……

阿姨：我而家帶悠悠去佢屋企，阻唔阻止就由得你啦！（心情沉重，嘆了一口氣，看向

悠悠，只見她仍緊閉着眼，眼角流出一滴淚珠，阿姨用手拭去淚珠）傻孩子！

連睡着了也淌淚……………..真傻……………..真傻（鼻子已在發紅）她是不是還是小了

點？能承受得起這樣的打擊嗎？是不是早了些呢……………？（喃喃自語）

司機：到畢賈山道，請下車。

阿姨：（輕拍悠悠）悠悠，下車了。

第五幕

二人停在一白色的豪華獨立房子前，房子前有一小花園，園中有小孩子的三輪車及各式玩具。

阿姨心想：該怎辦？帶她進去嗎？阿政到底來不來？

這時悠悠望着房子發呆，自言自語：媽咪……就係入面？我好快就可以見到佢？佢會唔會唔認得我呢？……我好緊張啊…….（握緊着阿姨的手）

阿姨：悠悠，唔使緊張，阿姨會陪住你架，你念清楚，係米真係想見媽媽，如果你想改變主意都未遲架…….

悠悠：嗯！我想見媽咪。

阿姨：好，咁你係到等陣，唔好行開，我去打個電話。

悠悠：哦……（望着阿姨遠去）

（看更阿伯見悠悠一個人站在門外，便上前問）

看更：小朋友，你搵人啊？

悠悠：我……我搵媽咪！你知唔知我媽咪係邊？

看更：搵媽咪？我念你搵錯地方啦，呢到只有陳先生一家係到住架 ja。

悠悠：唔會架！阿姨話我媽咪係到架！

看更：咁…….（看見穿貂鼠皮草，珠光寶氣的陳太出現）啊！陳太你好！

陳太：咩事啊？點解有個細路女係到 ge ？

看更：佢話來搵阿媽 wo 。

（悠悠與陳太四目交投）

悠悠：媽咪！（衝上前抱住陳太）

陳太：（感震撼，未能反應過來）…….悠……悠悠？

悠悠：（哇一聲大哭起來）我好掛住你啊！媽咪！媽咪！（手緊緊地抓住陳太貂鼠皮草）

（看更上前阻止）

看更：喂！你咁會整污糟陳太件衫架！

陳太：（用眼神示意要看更離開，環顧四周，確定沒有人）悠悠……你點解會來 ge ？

悠悠：（抬頭看陳太）因為……我好想見你啊！媽咪！

陳太：（靜默，似在思考）

悠悠：媽咪，你……係米唔想見到我啊？（失望地問）

陳太：（看着悠悠，內心一陣複雜感情）點會呢？，媽咪都好掛住你！來，我地入去先。

阿政站在對面馬路，正想上前，卻被阿姨阻止。

阿政：我不放心……

阿姨：讓她去吧！我們這裡等。

走進華麗的的房子中，一名身穿白衣的工人出來迎接。

工人：太太你好！

陳太：陳生今晚幾點返？

工人：七點，今日係先生太太 ge 結婚周年紀念，陳生交戴落話會早 d 返來興祝，飯菜都已經準備好。

（悠悠不安地躲在陳太身後，喃喃自語：結婚周年紀念……？）

陳太：（細語：點會係今日架！？）好，今晚有客，你加多雙筷啦！（說完便示意工人退下）

陳太吩咐工人去拿雪糕給悠悠，並把悠悠帶到廳中坐下。

陳太：悠悠，看，這是最愛吃的芒果味雪糕！

悠悠：……媽…你是否忘了？..我最愛吃的是朱古力味雪糕。

陳太：啊！對不起，我也許記錯了。（逐叫工人去拿朱古力味雪糕）馬姐，去換盒朱古力味雪糕來！

悠悠：不用了，爸爸不許我吃雪糕的。

陳太：什麼！？他連雪糕都不讓你吃？佢點可以對你咁差架！啊！你今次走出來係米因為佢對你唔好？唉~~~都係我唔好，掉低你一個比佢，不過我真係無辦法啊！你要體量我！佢個人又窮又大男人，郁 d 就發皮氣，我真係忍受唔到佢甘 ge 性格，佢呢 d 人遲早餓死老婆瘟臭屋 ga！我都係無辦法先走架！對唔住啊悠悠，呢幾年委屈你啦！（說時輕拍悠悠的手，以示安慰）以後你要 d 咩即管同我講，我一定盡量滿足你 ge！係 wo，而家都夜咯，不如你今晚係到訓一晚啦！我明天叫工人送你返去。你要 d 咩 ge 都可以同工人講，佢會買比你架啦！唔使同我客氣！

悠悠：（心中喜悅、又失落，聽到媽咪鬧阿爸時，心中感到刺痛，想為阿爸解釋）其實阿爸佢…….

陳生及兒子回來。

陳生：老婆我返來啦！

賢仔：媽咪！媽咪！

陳太：（一驚，即鬆開本來捉住悠悠的手，在悠悠耳邊說：悠悠乖，等陣唔好叫我媽咪，要叫我阿姨！唔係媽咪會有麻煩架！知道嗎？）

賢仔跑過來抱住陳太，陳生也親了她臉龐一下，悠悠看着他們一片樂也融融，頓時不知如何自處。

陳太：來！我給你介紹，這是我朋友的女兒悠悠，佢今晚會係到住一晚。

陳生：啊！好~~歡迎你阿悠悠！

工人：先生，可以開飯啦！

陳生：好！你先帶悠悠到飯廳坐好，我們去換個衣服就下來！

悠悠一人坐在飯廳中，心中有千百個疑問。

悠悠：點解媽咪要甘講…？我明明係佢個女啊！唔係人地個女！點解佢要佢要我叫佢做阿姨！？點解？（環視家中的擺設，悠悠看到家中到處都是他們三人的全家幅合照）全家幅…..全家幅……我明白了，而家，呢個媽咪已經唔再係我媽咪…….我已經無阿媽啦…無啦….以後都無人錫我啦！

這時，陳生一家由樓梯慢慢步下，並有說有笑，今悠悠心中升起一份羨慕。

悠悠：一家人…….我都好想有個溫馨的家…….如果我係佢就好啦！（看着賢仔，心中酸溜溜的）

正式開飯，飯廳一張長方形的餐桌中，陳生坐在主位，左邊是陳太及賢仔，右邊是悠悠。

陳太：唔好客氣，悠悠你要食多 d 啊！（為悠悠夾魚）

悠悠：謝謝！

賢仔：媽咪我又要！

陳太：知啦知啦！唔好甘心急啦，又無人同你搶 ge，我幫你挑好曬 d 魚骨先食

啦！乖乖地等陣啦！

（看着陳太為賢仔挑好魚骨的動作，悠悠腦中浮現爸爸為她挑魚骨的情況）

悠悠：爸爸……也會為我挑魚骨的……點解……我以前從來唔識珍惜、唔覺得係幸福丫……？

賢仔：媽咪！我陣間要食芒果雪糕！

陳太：唔得！你 d 咳都未好返！好返先食啦好無？

賢仔：我唔制！我要食雪糕！我要食雪糕！你唔比我食雪糕即係唔錫我！我怒你！

陳生：唔好咁啦！媽咪都係關心你先唔比你食姐！

賢仔：我唔制！我要食雪糕！我要食雪糕！你唔比我食雪糕即係唔錫我！我怒你！

陳太：唉~~怕左你啦，准你食少少啦！不過以後唔准咁任性架！（親溺地摸摸兒子的頭）

你睇你，咁大個仲扭計，都唔怕比姐姐笑 ga！！

聞言，賢仔看向悠悠。

賢仔：哈！你睇，原來姐姐係污糟貓！

陳太：賢仔！不許沒禮貌！（把紙巾遞給悠悠，然後自己又抽了一張紙巾）你看你！還敢笑人，自己不也是滿臉污濁？來，我幫你抹一下。（細心地抹走賢仔臉上的污濁）

悠悠：（看着陳太幫賢仔抹臉，頓時明白了！）原來……爸爸係甘關心我 ge……

（賢仔看見悠悠頸上戴着的小型口琴頸鏈，便指着它）

賢仔：我要這個！

陳太：賢仔！唔可以咁無禮貌架！條鏈係姐姐 ge，你想要 ge 我日後再買給你！

陳生：悠悠你條鏈好靚 wo！可唔可以話我知係邊到買 ga？

悠悠：買唔到架，係爸爸親手整 ge 生日禮物！

陳生：哦~~咁你爸爸都好錫你 wo！

悠悠：係啊~~我都係而家先發覺，原來佢係咁錫我架……

賢仔：我唔理！我一定要得到佢！（忽然伸手去搶）

悠悠：啊！（在掙扎間頸鏈掉入湯中，悠悠不顧一切，伸手入熱湯中，拾回頸鏈）

陳太：小心啊！

悠悠的手頓時燙得發紅，她卻沒有叫痛，更沒有哭，只對着頸鏈發呆，爸爸.....爸爸.....我要回家.....我要回家！！

第六幕

家中，阿政及阿姨在等悠悠。

阿政：點解悠悠咁耐都未返來……？？佢係米唔要我呢個阿爸啦？....唔通阿芳想搶返佢？.....（表情痛苦）

阿姨：唔會 ge，你放心啦！我同悠悠講好左只係見一見佢姐，更何況佢都有自己 ge 家庭啦！

阿政：但係…….萬一佢真係想要返個女 ge…….論經濟環境，我同佢差甘遠，悠悠跟住佢，可能會好 d…….而且…我根本無能力照顧好佢，就連買左個 bra，我都無勇氣比佢！

阿姨：你點解要咁念！？你對悠悠 ge 關心錢係衡量唔到架！我相信呢個世界上

無人比你更關心同了解佢！！你去接佢返來啦！你先係佢最需要 ge 人！我黎問你！悠悠幾歲生第一隻牙仔？幾歲識叫爸爸？幾歲識行路？幾歲開始唔使用尿片啊？

阿政：佢七個月就生第一隻牙仔，九個月就識叫爸爸，一歲就識行路，差不多兩歲才不用尿片……（喃喃說出一大堆數字，也對自己燃起了信心）

阿姨：甘米係囉！比 d 信心自己！呢到先係真正屬於你地 ge 屋企，我相信悠悠一定會返黎 ge！

阿政：噃！多謝你，我明白啦！我而家就去接佢返來！（走）

悠悠：點算呢？爸爸今次一定好嬲，佢..會唔會打我呢..？……好！死就死！（閉上眼，吸一口氣）”敲！敲！”

阿姨：（開門，見到悠悠低着頭站在門外，像是犯錯的小孩，立即興奮地抱住她）悠悠你終於返來啦！

悠悠：（一呆，發現眼前的人是阿姨，舒了口氣，又不其然探頭向廳中望去，心驚志忑）

阿姨：點解得你一個 ge？爸爸呢？

悠悠：爸爸？

阿姨：係啊！佢話要去接你返來啊嘛！剛剛才出了門，你沒碰到他？

悠悠：沒有……..um…….阿姨啊…….阿爸今次係米好嬲啊？...你話…佢會唔會打我？

阿姨：唔……..

悠悠：啊~~今次死緊啦……（看見阿姨的表情，心知不妙）

阿姨：傻女！阿姨玩下 ja，佢甘錫你，你返來，佢開心都黎唔切啦！又點捨得打你 wo！

你無見到佢頭先個樣 ja！擔心你擔心到就快喊出來啦！

悠悠：真 ge？佢真係擔心我？（感到幸福）

阿姨：當然啦！阿姨點會呃你？過來，我比 d 野你睇！（拿出阿政買的 bra）

悠悠：呢樣…係？

阿姨：呢個 bra 係你阿爸早兩日買架！其實佢一早就想比你，不過怕尷尬，唔敢比你 jama！一個大男人走入內衣店幫個女買胸圍，真係無返咁上下勇氣都做唔到啊！你估佢唔怕比人笑 ge 咩？如果唔係因為真係錫你，佢點會肯甘做丫？

悠悠：（看著這粉藍色的胸圍，鼻子一酸）係啊……而且佢仲記得我最鐘意 ge 粉藍色…

阿政得知女兒已離開陳家，立即趕回家中。

阿政：悠悠！

悠悠：（抬頭一看，發現爸爸站在門口，衝上前抱住爸爸）阿爸！對唔住啊！我太任性啦！我知錯啦，我以後都唔會激你架啦！我而家先知原來你係甘錫我！我以前唔識珍惜，仲成日發你皮氣，對唔住啊！……..你原諒我啦、你原諒我啦……

阿政：（摸摸懷中悠悠的頭）..傻丫頭！你回來就好了…….回來就好了……阿爸點會黷你？無論你做錯咩事，阿爸都會原諒你的！

阿姨：好啦、好啦！大團圓結局米好囉！唔好再甘 ge 樣啦！悠悠你明天還要返學，快去洗澡睡教，你們父女有什麼肉麻說話明天再講！

悠悠：啊！明天係母親節烹飪大賽！！（看向爸）阿爸，你明天可唔可以陪我去？

阿政：（喜悅、疑問）…唔…但係係母親節 wo……我都可以去咩？

阿姨：當然可以啦！你一直父兼母職照顧悠悠甘多年！如果你都話無資格 ge？試問邊個有！？

悠悠：係啊！係啊！你唔單止係我阿爸，同時都係我阿媽！只有你一個有資格

去！（悠悠堅定地說）

阿政：（感動）好……好……！去！我去！

完